

四庫全書

集部

欽定四庫全書

御定全唐詩卷六百四十三

李山甫

李山甫咸通中屢舉不第依魏博幕府為從事嘗建事  
樂彥禎羅弘信父子文筆雄健名著一方詩一卷

菊

籬下霜前偶得存忍教遲晚避蘭蓀也銷造化無多力  
未受陽和一點恩栽處不容依玉砌要時還許上金尊

金方七月八日  
卷六十四十三  
陶潛歿後誰知已露滴幽叢見淚痕

風

喜怒寒暄直不勻終無形狀始無因  
能將塵土平欺客  
愛把波瀾枉陷人  
飄樂遞香隨日在  
綻花開柳逐年新  
深知造化由君力  
試為吹噓借與春

月

狡兔頑蟾死復生  
度雲經漢澹還明  
夜長雖耐對君坐  
年少不禁隨爾行  
玉桂影搖烏鵲動  
金波寒注鬼神驚

人間半被虛拋擲  
唯向孤吟客有情

秋

傍雨依風冷漸勻  
更憑青女事精神  
來時將得幾多雁  
到處愁他無限人  
能被綠楊深懊惱  
謾偎黃菊送殷勤  
鄒家不用偏吹律  
到底榮枯也自均

松

地聳蒼龍勢抱雲  
天教青共衆材分  
孤標百尺雪中見  
長嘯一聲風裏聞  
桃李傍他真是佞  
藤蘿攀爾亦非羣

平生相愛應相識誰道修篁勝此君

讀漢史

四百年間反覆尋漢家興替好沾襟每逢姦詐湏接手

真

一作直

遇英雄始醒心王莽弄來曾半破曹公將去便

平沈當時虛受君恩者謾向青編作鬼林

上元懷古二首

南朝天子愛風流盡守江山不到頭總是戰爭收拾得

却因歌舞破除休堯行

一作將

道德終無敵秦把金湯可

自由試問繁華何處有

一作在

雨苔煙草古

一作石

城秋

爭帝圖王

一作皇

德盡衰驟興

一作王

馳霸亦何為君臣都

是一場笑家國共

一作同

成千載悲排岸遠檣森似槩落

波殘照嚇如旗今朝城上難回首不見樓船索戰時

### 隋堤柳

曾傍龍舟拂翠華至今凝恨倚天涯但經春色還秋色  
不覺楊家是李家背日古陰從北朽逐波疎影向南斜  
年年只有晴風便遙為雷塘送雪花

蒲關西道中作

國東王氣凝蒲關樓臺帖出晴空間紫煙橫捧大舜廟  
黃河直打中條山地鎖咽喉千古壯風傳歌吹萬家閑  
來來去去身依舊未及潘年鬢已斑

送李秀才入軍

弱柳貞松一地栽不因霜霰自難媒書生只是平時物  
男子爭無亂世才鐵馬已隨紅旆去同人猶著白衣來  
到頭功業湏如此莫為初心首重回

送蘄州襄員外

正作南宮第一人  
顰隨霓旆愴離羣  
曉從闕下辭天子  
春向江頭待使君  
五馬尚迷青瑣路  
雙魚猶惹翠蘭芬  
明朝無路尋歸處  
禁樹參差隔紫雲

代孔明哭先主

憶昔南陽顧草廬  
便乘雷電捧乘輿  
酌量諸夏須平取  
期刻羣雄待遍鋤  
南面未能成帝業  
西陵那忍送宮車  
九疑山下頻惆悵  
曾許微臣水共魚



送職方王郎中吏部劉員外自太原鄭相公幕  
繼奉徵書歸省署

雙鳳銜書次第飛  
玉皇催促列仙歸  
雲開日月臨青瑣  
風卷煙霞上紫微  
蓮影一時空儉府  
蘭香同處撲堯衣  
此生長掃朱門者  
每向人間夢粉闥

寒食二首

柳帶東風一向斜  
春陰澹澹蔽人家  
有時三點兩點雨  
到處十枝五枝花  
萬井樓臺疑繡畫  
九原珠翠似煙霞

年年今日誰相問獨臥長安泣歲華

風煙放蕩花披猖鞦韆女兒飛短

一作出

牆繡袍馳馬拾

遺翠錦袖關雞喧廣場天地氣和融霽色池臺日暖燒  
春光自憐塵土無他事空脫荷衣泥醉鄉

又代孔明哭先主

鯨鬣翻騰四海波始將天意用干戈盡驅神鬼隨鞭策  
全罩英雄入網羅提劍尚殘吳郡國垂衣猶欠魏山河  
鼎湖無路追仙駕空使羣臣泣血多

貧女

平生不識繡衣裳，開把荆釵

一作簪

亦自傷。鏡裏只應諳

素貌，人間多自信。

一作重

紅妝當年未嫁，還憂老終日求

媒。卽道狂兩意，定知無說處。暗垂珠淚濕蠶筐。

寓懷

萬古交馳一片塵，思量名利孰如身。身長疑好事皆虛事，

却恐閑人是貴人。老逐少來

一作年

終不放辱隨榮後。直

定一作湏勾勸君不用

一作莫謾

誇頭角。夢裏輸贏總未真。

蜀中寓懷

千里煙霞錦水頭五丁開得也風流春裝寶闕

一作  
鈿重

重樹日照仙州萬萬樓蛙似公孫雖不守龍如諸葛亦  
須休此中無限英雄鬼應對江山各自羞

下第臥疾盧員外召遊曲江

眼前何事不傷神忍向江頭更弄春桂樹既能欺賤子  
杏花爭肯採聞人麻衣未掉渾身雪皁蓋難遮滿面塵  
珍重列星相借問嵇康慵病也天真

司天臺

拂雲朱檻捧昭回，靜對銅渾水鏡開。  
太史只知頻奏瑞，蒼生無計可防災。  
景公進德星曾退，漢帝推誠日為迴。  
何事曠官全不語，好天良月鎖高臺。

落花

落拓東風不藉春，吹開吹謝兩何因。  
當時曾見笑筵主，今日自為行路塵。  
顏色却還天上女，馨香留與世間人。  
明年寒食重相見，零淚無端又滿巾。

一作濕巾  
一作沾巾

赴舉別所知

腰劔囊書出戶遲壯心奇命兩相疑麻衣盡舉一雙手

桂樹只生三兩

一作十

枝黃祖不憐鸚鵡客誌公偏賞麒

麟兒叔牙憂

一作知

我應相痛回首天涯寄所思

賀邢州盧員外

紫泥飛詔下金鑾列象分明世仰觀北省諫書藏舊草  
南宮郎署握新蘭春歸鳳沼恩波暖曉入駕行瑞氣寒  
偏是此生棲息者滿衣零淚一時乾

方干隱居

咬咬嚙嚙水禽聲露洗松陰滿院清溪畔印沙多鶴跡  
檻前題竹有僧名問人遠岫千重意對客閑雲一片情  
早晚塵埃得休去且將書劒事先生

早春微雨

怪來鶯蝶似凝愁不覺看花覩濕頭疎影未藏千里樹  
遠陰微翳萬家樓青羅舞袖紛紛轉紅臉啼珠旋旋收  
歲旱且須教濟物為霖何事愛風流

謁翰林劉學士不遇

夢繞清華宴地深  
洞宮橫鎖曉沈沈  
鵬飛碧海終難見  
鶴入青霄豈易尋  
六尺羈魂迷定止  
兩行愁血謝知音  
平生只耻淩風翼  
随得鳴珂上禁林

答劉書記見贈

吟近秋光思不窮  
酷探騷雅愧無功  
茫然心苦千篇拙  
瞑坐神凝萬象空  
月上開襟當北戶  
竹邊回首揖西風  
知音頻有新詩贈  
白雪紛紛落郢中



賀友人及第

得水蛟龍失水魚此心相對兩何如敢辭今日須行卷  
猶喜他年待薦書松桂也應情未改萍蓬爭奈迹還疎  
春風不見尋花伴遙向青雲泥子虛

雨後過華嶽廟

第二句  
缺兩字

華山黑影霄崔嵬金天門未開雨淋鬼火滅不滅  
風送神香來不來牆外素錢飄似雪殿前陰栢吼如雷  
知君暗宰人間事休把蒼生夢裏裁

贈彈琴李處士

情知此事少知音自是先生枉用心世上幾時曾好古  
人前何必更沾襟致身不似笙竽一作簧巧悅耳寧如鄭  
衛淫三尺焦桐七絛線子期師曠兩沈沈

劉員外寄移菊

秋來緣樹復緣牆怕共平蕪一例荒顏色不能隨地變  
風流唯解逐人香煙含細葉交加碧露拆寒英次第黃  
深謝栽培與知賞但慙終歲待重陽

南山

鈍碧頑青幾萬秋，直無天地始應休。  
莫嫌塵土佯遮面，能向樓臺強出頭。  
霽色陡添千尺翠，夕陽閒放一堆愁。  
假饒不是神仙骨，終抱琴書向此遊。

山中覽劉書記新詩

記室新詩相寄我，藹然清絕更無過。  
溪風滿袖吹騷雅，巖瀑無時滴薜蘿。  
雲外山高寒色重，雪中松苦夜聲多。  
靜酬嘉唱對幽景，蒼鶴羸棲古木柯。

早秋山中作

榮枯無路入千峯肥遯誰諧此志同  
司寇亦曾遭魯黜  
步兵何事哭途窮  
檜松瘦健滴秋露  
戶牖虛明生晚風  
山思更清人影絕  
隴雲飛入草堂中

賦得寒月寄齊已

松下清風吹我襟  
上方鐘磬夜沈沈  
已知廬嶽塵埃絕  
更憶寒山雪月深  
高謝萬緣消祖意  
朗吟千首亦師心  
豈知名出徧

一作徧出

諸夏石上棲禪竹影侵

曲江二首

南山低對紫雲樓，翠影紅陰瑞氣浮。  
一種是春長富貴，大都為水也風流。  
爭攀柳帶千千手，閒揀花枝萬萬頭。  
獨向江邊覓惆悵，滿衣塵土避王侯。

江色沈天萬草齊，暖煙晴靄自相迷。  
蜂憐杏蕊細香落，鶯墜柳條濃翠低。  
千隊國娥輕似雪，一羣公子醉如泥。  
斜陽怪得長安動，陌上分飛萬馬蹄。

遷居清谿和劉書記見示

擔錫歸來竹繞谿過津曾笑魯儒迷端居味道塵勞息

扣寂眠雲心境

一作行

齊還似村家無寵祿時將隣叟話

幽棲山衣毳爛唯添野石井源清不貯泥祖意豈從年  
臘得松枝肯為雪霜低晚天吟望秋光重雨陣橫空蔽  
斷霓

陰地關崇徽公主手跡

一拓

一作指

纖痕更不收翠微蒼蘚幾經秋誰陳帝子和

番策我是男兒為國羞寒雨洗來香已盡澹煙籠著恨

長留可憐汾水知人意旁與吞聲未忍休

題李員外廳

石砌蛩吟響草堂人語稀道孤思絕唱年長漸知非名  
利終成患煙霞亦可依高丘松蓋古間地藥苗肥獫鳥  
啼嘉景牛羊傍晚暉幽棲還自得清嘯坐忘機愛彼人  
深處白雲相伴歸

山中寄梁判官

歸臥東林計偶諧柴門深向翠微開更無塵事心頭起

還有詩情象外來  
康樂公應頻結社  
寒山子亦患多才  
星郎雅是道中侶  
六藝拘牽在隗臺

禪林寺作寄劉書記

坐近松風骨自寒  
茅齋直拶白雲邊  
玄關不閉何人到  
此事誰論在佛先  
天竺老師留一句  
曹溪行者答全篇  
今朝林下忘言說  
強把新詩寄謫仙

山中病後作

臥病厭厭三伏盡  
商飈初自水邊來  
高峯枯槁骨偏峭



野樹扶疎葉未摧時序追牽從鬢改蟬聲酸急是誰催  
雲門不閉全無事心外沈然一聚灰

寄衛別駕

曉屐歸來嶽寺深嘗思道侶會東林昏沈天竺看經眼  
蕭索淨名老病心雲蓋數重橫隴首苔花千點遍松陰  
知君超達悟空旨三徑閑行抱素琴

遣懷

長松埋澗底鬱鬱未出原孤雲飛隴首高潔不可攀古

道貴拙直時事不足言莫飲盜泉水無為天下先智者  
與愚者盡歸北邙山唯有東流水年光不斲閑

酬劉書記一二知己見寄

見說金臺客相逢祇論詩坐來殘暑退吟許野僧

一作人

知自喜幽棲僻唯慙道義虧身閑偏好古句冷不求奇  
晦迹全無累安貧自得宜同人終念我蓮社有歸期

山中依韻答劉書記見贈

幽居少人事三徑草不開隱几虛室靜閑雲入坐來至

道非內外詎言才不才寶月當秋空高潔無纖埃心滅

減

一作

百慮減

一作減

詩成萬象回亦有吾廬在寂寞舊山

隈從容未歸去滿地生青苔謝公寄我詩清奇不可陪

白雪飛不盡碧雲欲成堆驚風出地戶颯颯似震雷吟

哦山嶽動令人心膽摧思君覽章句還復如望梅慷慨

追古意曠望登高臺何當陶淵明遠師勸傾盃流年將

老來華髮自相催野寺連屏障左右相裴回

山中答劉書記寓懷

貴門多冠冕日與榮辱並山中有獨夫笑傲出衰盛正  
直任天真鬼神亦相敬之子貢丘園戶牖松蘿映骨將  
槁木齊心同止水淨筆頭指金波座上橫玉柄芙蓉出  
秋渚繡段流清詠高古不稱時沈默豈相競窮搜萬籟  
息危坐千峯靜林僧繼嘉唱風前亦為幸

項羽廟

為虜為王盡偶然有何羞見漢江船停分天下猶嫌少  
可要行人贈紙錢

春日商山道中作

一逕春光裏揚鞭入翠微風來花落帽雲過雨沾衣谷  
鳥銜枝去巴人負笈歸殘陽更惆悵前路客亭稀

古石硯

追琢他山石方圓一勺深抱真唯守墨求用每虛心波  
浪因文起塵埃為廢侵憑君更研究何啻直千金

惜花

未會春風意開君又落君一年今爛漫幾日便續紛別

豔那堪賞餘香不忍聞尊前恨無語應解一作得作朝雲

別楊秀才

因亂與君別相逢悲且驚開襟魂自慰拭淚眼空明故國已無業舊交多不生如何又分袂難話別離情

自歎拙

自憐心計拙欲語更悲辛世亂僮欺主年衰鬼弄人鏡中頗欲老江上業長貧不是劉公樂一作藥何由變此身

亂後途中

亂離尋故園朝市不如村慟哭翻無淚顛狂覺少魂諸  
侯貪割據羣盜恣并吞為問登壇者何年答漢恩

燕

每歲同辛苦看人似有情亂飛春得意幽語夜聞聲整  
羽莊姜恨迴身漢后輕豪家足金彈不用汚雕楹

題慈雲寺僧院

帝城深處寺樓殿壓秋江紅葉去寒樹碧峯來曉窗煙  
霞生淨土苔蘚上高幢欲問吾師語心猿不肯降

聞子規

末句缺  
二字

冤禽名杜宇此事更難知昔帝一時恨後人千古悲斷  
腸思故國啼血濺芳枝況是天涯客那堪 省

送劉將軍入關討賊

世人多恃武何者是真雄欲滅黃巾賊須憑黑稍公指  
星憂國計望氣識天風明日凌雲上期君第一功

陪鄭先輩華山羅谷訪張隱者

白雲開洞口飛蓋入嵐光好鳥共人語異花迎客香谷



風聞鼓吹苔石見文章不是陪仙侶無因訪阮郎

兵後尋邊三首

千里煙沙盡日昏戰餘燒罷閉重門新成劒戟皆農器  
舊著衣裳盡血痕卷地朔風吹白骨柱一作挂天青氣泣

幽魂自憐長策無人問羞戴儒冠傍塞垣

旗頭指處見黃埃萬馬橫馳鶻翅迴劒戟遠腥凝血在  
山河先暗陣雲來角聲惡殺悲於哭鼓勢爭強怒若雷  
日暮却登寒壘望飽鴟清嘯伏屍堆

風怒邊沙迸鐵衣胡兒胡馬正驕肥將軍對陣誰教入  
戰士辭營不道歸新血濺紅粘蔓草舊骸堆白映寒暉  
胸中縱有銷兵術欲向何門說是非

滄浪峽

走轂飛蹄過此傍幾人留意問滄浪煙波莫笑趨名客  
為愛朝宗日夜忙

公子家二首

曾是皇家幾世侯入雲高第照神州柳遮門戶橫金鎖

花擁弦歌咽畫樓錦袖妬姬爭巧笑玉銜嬌馬索閒遊  
麻衣酷獻平生業醉倚春風不點頭

柳底花陰壓露塵醉

一作瑞

煙輕罩一團春鴛鴦占水能

嗔客鸚鵡嫌籠解罵人騾褭似龍隨日換輕盈如燕逐  
年新不知買盡長安笑活得蒼生幾戶貧

山下

一作中

殘夏偶作

等閒三伏後獨臥此高丘殘暑炎於火林風爽帶秋聲  
名何要出吟詠亦堪休自許紅塵外雲溪好漱流

夜吟

除却閒吟外人間事事慵更深成一句月冷上孤峯窮  
理多瞑目含毫靜倚松終篇渾不寐危坐到晨鐘

代崇徽公主意

金釵墜地鬢堆雲自別朝

一作昭

陽帝豈聞遣妾一身安

杜稷不知何處用將軍

下第獻所知三首

偶向江頭別釣磯等閒經歲與心違虛教六尺受辛苦

枉把一身憂是非青桂本來無欠負碧霄何處有因依  
春風不用相催促迴避花時也解歸

不識人間巧路歧只將端拙泥神祇與他名利本無分  
却共水雲曾有期大抵物情應莫料近來天意也須疑  
自憐心計今如此憑仗春醪為解頤

十年磨鏃事鋒鏑始逐朱旗入戰場四海風雲難際會  
一生肝膽易開張退飛鶯谷春零落倒卓龍門路渺茫

今日慙知也慙命笑餘歌罷忽

一作總

淒涼

寄太常王少卿

別後西風起新蟬坐臥聞秋天靜如水遠岫碧侵雲雅  
飲純和氣清吟冰雪文相思重回首梧葉下紛紛

遊俠兒

好把雄姿渾世塵一場閑事莫因循荆軻只為閑言語  
不與燕丹了得人

下第出春明門

曾和秋雨驅愁入却向春風領恨回深謝灞陵堤畔柳

與人頭上拂塵埃

望思臺

君父昏蒙死不回謾將平地築高臺九層黃土是何物  
銷得向前冤恨來

病中答劉書記見贈

病來雙樹下雲脚上禪袍頻有瓊瑤贈空瞻雪月高已  
知捐俗態時許話風騷衰疾一作病未能起相思徒自勞

早秋山中作

誰到山中語兩餘風氣秋煙嵐出澗底瀑布落牀頭至  
道亦非遠僻詩須苦求千峰有嘉景拄杖獨巡遊

別墅

此地可求息開門足野情窗明雨初歇日落風更清蒼  
蘚槎根匝碧煙水面生翫竒心自樂暑月聽蟬聲

柳十首

灞岸江頭臘雪消東風偷軟入纖條春來不忍登樓望  
萬架金絲著地嬌



受盡風霜得到春一條條是逐年新尋常送別無餘事  
爭忍攀將過與人

長恨陽和也世情把香和豔與紅英家家只是栽桃李  
獨自無根到處生

只為遮樓又拂橋被人摧折好枝條假饒張緒如今在  
湏把風流暗裏銷

弱帶低垂可自由傍他門戶倚他樓金風不解相擡舉  
露壓煙欺直到秋

終日堂前學畫眉  
幾人曾道勝花枝  
試看三月春殘後  
門外青陰是阿誰

也曾飛絮謝家庭  
從此風流別有名  
不是向人無用處  
一枝愁殺別離情

從來只是愛花人  
楊柳何曾占得春  
多向客亭門外立  
與他迎送往來塵

強扶柔態酒難醒  
殢著一作漢春風  
別有情公子王孫且

相伴與君俱得幾時榮

無賴秋風斗覺

一作送

寒萬條煙草

一作罩

一時乾遊人若

要春消息直向江頭臘後看

酬劉書記見贈

第七句缺一字  
第十五句缺

獨在西峯末憐君和氣多勞生同朽索急景似傾波  
禪者行擔錫樵師語隔坡旱生赤蘚古木架青蘿石澗

新蟬蛻茅簷舊燕窠篇章蒙見許松月好相過思苦通

真理吟清合太和

風起送漁歌

贈徐三十

一本題缺一本作酬  
劉書記見贈第二首

校獵燕山經幾春  
雕弓白羽不離身  
年來馬上渾無力  
望見飛鴻指似人



御定全唐詩卷六百四十三

春滿南宮白日長夜來新直錦衣郎朱排六相

一作戰助

神聳玉襯一廳侵骨涼砌竹拂袍爭草色庭花飄豔妬  
蘭香從今不羨乘槎客曾到三星列宿傍

### 牡丹

邀勒春風不早開  
衆芳飄後上樓臺  
數苞仙豔火中出  
一片異香天上來  
曉露精神妖欲動  
暮煙情態恨成堆  
知君也解相輕薄  
斜倚闌干首重迴

### 贈宿將

2

3



欽定四庫全書

集部

御定全唐詩卷六百四十六

詳校官庶吉士臣胡 鉉

主事銜臣徐以坤覆勘

總校官知縣臣 繆 琪

校對官中書臣 范來宗

謄錄監生臣 李 駒 閣



欽定四庫全書

御定全唐詩卷六百四十四

李咸用

李咸用與來鵬同時工詩不第嘗應辟為推官有披沙集六卷今編為三卷

水仙操

大波相拍流水鳴蓬山鳥獸多奇形琴心不喜亦不驚  
安絃緩爪何泠泠水仙縹緲來相迎伯牙從此畱嘉名

嶧陽散木虛且輕重華斧下知其聲縈絲相糾成淒清  
調和引得薰風生指底先王長養情曲終天下稱太平  
後人好事傳其曲有時聲足意不足始戔戔兮復洋洋  
但見山青兼水綠成連入海移人情豈是本來無嗜慾  
琴兮琴兮在自然不在徽金將軫玉

雞鳴曲

海樹相扶烏影翹戴紅拍翠聲膠膠鴛瓦凍危金距趨  
誇雄鬪氣爭相高漏殘雨急風蕭蕭患亂忠臣欺寶刀

霜濃月薄星昭昭  
太平才子能歌謠  
山翁夢斷出衡茅  
谷口霧中飢虎號  
離人枕上心忉忉

西門行

勞禽不擇枝  
飢虎不畏檻  
君子當固窮  
無為仲由濫  
爾奮空拳  
彼擊劍  
水縱長  
瀾火飛焰  
漢高偶試神  
蛇驗武王  
龜筮驚人險  
四龍或躍猶  
依泉小狐勿恃衝  
波膽

輕薄怨

花驄蹀躞遊龍驕  
連連寶節揮長鞘  
鳳雛麟子皆至交

春風相逐垂楊橋捻笙軟玉開素苞畫樓閃閃紅裾搖  
碧蹄偃蹇連金鑣狂情十里飛相燒西母青禽輕飄飄  
分環破壁來往勞黃金千鎰新一宵少年心事風中毛  
明朝何處逢嬌饒門前桃樹空天天

長歌行

要衣湏破束欲炙湏解牛當年不快意徒為他人畱百  
歲之約何悠悠華髮星星稀滿頭蛾眉螭首聊我仇圓  
紅闕白令人愁何不夕引清奏朝登翠樓逢花便折開

勝即遊鼓腕騰棍晴雷收舞腰困裏垂楊柔象筋擊折  
歌勿休玉山未倒非風流眼前有物俱是夢莫將身作  
黃金讐死生同域不用懼富貴在天何足憂

巫山高

通蜀連秦山十二中有妖靈會人意鬪豔傳情世不知  
楚王魂夢春風裏雨態雲容多似是色荒見物皆成媚  
露泣煙愁巖上花至今猶滴相思淚西看南臉人中美  
或者皆聞無所利忍聽憑虛巧佞言不求萬壽翻求死

公無渡河

有叟有叟何清狂行搔短髮提壺漿亂流直涉神洋洋  
妻止不聽追沈湘偕老不偕死塋篋遺淒涼剗松輕穩  
琅玕長連呼急榜庸何妨見溺不援能語狼忍聽麗玉  
傳悲傷

春雨

大帝閒吹破凍風青雲融夜流長空天人醉引玄酒注  
傾香旋入花根土濕塵輕舞唐唐春神娥無跡莓苔新

老農私與牧童論紛紛便是倉箱本

石版歌

雲根劈裂雷斧痕龍泉切璞青皮皴直方挺質貞且真  
當庭卓立凝頑神春雨流膏成立文主人性靜看長新  
明月夜來迴短影何如照冷太湖濱

春宮詞

風和氣淑宮殿春感陽體解思君恩眼光滴滴心振振  
重瞳不轉憂生民女當為妾男當臣男力百歲在女色

片時新用不用唯一人敢放一作微天寵私微身六宮萬  
國教誰賓

富貴曲

畫藻雕山金碧彩鴛鴦疊翠眠晴靄編珠影裏醉春庭  
團紅片下攢歌黛草咽絲煩歡不改繳絳垂緹忽如晦  
活花起舞夜春來蠟焰煌煌天日在雪暖瑤杯鳳髓融  
紅拖象筋猩唇細空中漢轉星移蓋火城擁出隨朝會  
車如雷兮馬如龍鬼神辟易不敢害冠峩劍重鏘環珮



步入天門相真宰開口長為爵祿筌迴眸便是公卿罪  
珍珠索得龍宮貧膏腴刮下蒼生背九野干戈指著心  
威福滿拳猶未快我聞周公貴為天子弟富有半四海  
茂有驕奢貽後悔紅錦障收珊瑚樹碎至今笑石崇王  
愷

獨鵲吟

碧玉喙長丹頂圓亭亭危立風松間啄萍吞鱗意已闌  
舉頭咫尺輕重天黑翎白本排雲煙離羣脫侶孤如仙

披霜唳月驚嬋娟逍遙忘却還青田  
鷺寒鴉晚空相喧  
時時側耳清泠泉

煌煌京洛行

長安近甸巡遊遍洛陽尋有黃龍見  
千乘萬騎如雷轉  
差差清蹕祥雲卷百司舊分當玉殿  
太平官屬無遺彥  
歌鐘沸激香塵散晨旗隱隱羅軒冕  
周公舊跡生紅蘚  
灩澦波光春照晚但聽嵩山萬歲聲  
將軍旗鼓何時偃

昇天行

堂堂削玉青蠅喧寒鴉啄鼠愁飛鸞梳玄洗白逡巡間  
蘭言花笑俄衰殘盤金束紫身屬官強仁小德終無端  
不如服取長流丹潛神却入黃庭閒志定功成飛九關  
逍遙長揖辭人寰空中龍駕時迴旋左雲右鶴翔翩聯  
雙童樹節當風翻常娥倚桂開朱顏河邊牛子星郎牽  
三清宮殿浮晴煙玉皇據案方凝然仙官立仗森幢幡  
引余再拜歸仙班清聲妙色視聽安食和飲順中腸寬  
虛無之樂不可言

緋桃花歌

上帝春宮思麗絕  
夭桃變態求新悅  
便是花中傾國容  
牡丹露泣長門月  
野樹滴殘龍戰血  
曦車碾下朝霞屑  
惆悵東風未解狂  
爭教此物芳菲歇

短歌行

一罇綠酒綠於染  
拍手高歌天地險  
上得青雲下不難  
下在黃埃上須漸  
少年歡樂須及時  
莫學懦夫長泣岐  
白日欲沈猶未沈  
片月已來天半垂  
坎鼓鏗鐘殺愁賊

接碎

一作滿眼

是非佯不識長短高卑不可求莫歎人生頭

雪色

小松歌

幽人不喜凡草生秋鋤斲得寒青青庭間土瘦根脚癯  
風搖雨拂精神醒短影月斜不滿尺清聲細入鳴蛩翼  
天人戲剪蒼龍髯參差簇在瑤堦側金精水鬼欺不得  
長與東皇逞顏色勁節暫因君子移貞心不為麻中直

大雪歌

同雲慘慘如天怒  
寒龍振鬣飛乾雨  
玉圃花飄朶不勻  
銀河風急驚砂度  
謝客憑軒吟未住  
望中頓失縱橫路  
應是羲和倦曉昏  
暫反元元歸太素  
歸太素不知歸得  
人心否

塘上行

橫塘日澹秋雲隔  
浪纖輕颺羅幕幕  
紅綃撒水蕩舟人  
畫撓摻摻柔莢白  
鯉魚虛擲無消息  
花老蓮疎愁未摘  
却把金釵打綠荷  
懊惱露珠穿不得

寓意

直道荆棘生斜徑紅塵起蒼蒼杳無言麒麟迴瑞趾東  
風如未來飛雪終不已不知姜子牙向處釣流水

劍喻

黯黯秋水寒至剛非可缺風胡不出來攝履人相蔑縱  
挺倚天形誰是躬一作提挈願將百鍊身助我王臣節

蒼頡臺

先賢憂民詐觀跡成網紀自有書契來爭及結繩理

荆山

良工指君疑真玉却非玉寄言懷寶人不須傷手足  
自君之出矣

自君之出矣鸞鏡空塵生思君如明月明月逐君行  
妾薄命

妾命何太薄不及宮中水時時對天顏聲聲入君耳  
君子行

君子慎所履小人多所疑尼甫至聖賢猶為匡所縻



銅雀臺

但見西陵慘明月  
女妓無因更相悅  
有虞曾不有遺言  
滴盡湘妃眼中血

倥傯怨

莫恃芙蓉開滿面  
更有身輕似飛燕  
不得團圓長近君  
珪月鉈時泣秋扇

悲哉行

雲色陰沈弄秋氣  
危葉高枝恨深翠  
用却春風力幾多

微霜逼迫何容易

攜手曲

攜手春復春未嘗漸離別  
天天風前花纖纖日中雪不  
敢怨於天唯驚添歲月不敢  
怨於君祇怕芳菲歇芳菲  
若長然君恩應不絕

空城雀

啾啾空城雀一啄數跳躍  
寧尋覆轍餘豈比巢危幕  
茫茫九萬鵬百雉且為樂

放歌行

蠢蠢荼蓼蟲薨薨避葵薺悠悠狷者心寂寂厭清世如  
何不食甘命合苦其噬如何不趣時分合辱其體至哉  
先哲言於物不凝滯

猛虎行

猛虎不怯敵烈士無虛言怯敵辱其斑虛言負其恩爪  
牙欺白刃果敢無前陣須知易水歌至死無悔悵

隴頭行

一作吟

行人何徬徨  
隴頭水鳴咽  
寒沙戰鬼愁  
白骨風霜切  
薄日矇矓秋  
怨氣陰雲結  
殺成邊將名  
名著生靈滅

關山月

離離天際雲  
皎皎關山月  
羌笛一聲來  
白盡征人髮  
嘹唳孤鴻高  
蕭索悲風發  
雪壓塞塵清  
鵬落沙場闊  
何當胡無人  
荷戈朝鳳闕

覽友生古風

伯牙鳴玉琴  
幽音隨指發  
不是鍾期聽  
俗耳安能別  
高

山閒巍峩流水聲鳴咽一卷冰雪言清泠冷心骨分明

古雅聲諷諭成淒切皴皴

音磧又音鵲

老松根晃朗驪龍窟

荆璞且深藏璠石方如雪金多醜女妍木朽良工拙女  
究欺雷霆魑魅嫌日月蝶迷桃李香鮒惘江湖闊不寐  
孤燈前舒卷忘飢渴

題友生叢竹

菊華寒露濃蘭愁曉霜重指佞不長生蒲葦今無種安  
如植叢篁他年待栖鳳大則化龍騎小可釣璜用畱煙

伴獨醒迴陰冷閑夢何妨積雪凌但為清風動乃知子  
猷心不與常人共

石版

高人好自然移得它山碧不磨如版平大巧非因力古  
蘇小青錢塵中省野色冷倚砌花春靜伴疎篁直山僧  
若轉頭如逢舊相識

江南曲

江南四月薰風低江南女兒芳步齊晚雲接水共渺瀰

遠沙疊草空萋萋白亭不堪論古意數花猶可醉前溪  
孤舟有客歸未得鄉夢欲成山鳥啼

臨川逢陳百年

麻姑山下逢真士玄膚碧眼方瞳子自言混沌鑿不死  
大笑老彭非久視強爭龍虎是狂人不保元和虛叩齒  
桃花雨過春光膩勸我一杯靈液味教我無為禮樂拘  
利路名場多忌諱不如含德反嬰兒金玉滿堂真可貴

寄修睦上人

衣服田方無內容一入廬雲斷消息應為山中勝槩偏  
惠持惠遠多蹤跡尋陽有箇虛舟子相憶由來無一一作  
無一事江邊月色到巖前此際心情必相似似不似寄數  
字

讀修睦上人歌篇

李白亡李賀死陳陶趙睦尋相次須知代不乏騷人貫  
休之後惟修睦而已矣睦公睦公真可畏開口向人無  
所忌才似煙霞生則媚直如屈軼佞則指意下紛紛造



化機筆頭滴滴文章髓  
明月清風三十年被君驅使如  
奴婢勸君休莫容易世俗由來稀  
則貴珊瑚高架五雲  
一作毫小小不須煩藻思

遠公亭牡丹

雁門禪客吟春亭牡丹獨逞花中英  
雙成膩臉偎雲屏  
百般姿態因風生  
延年不敢歌傾城  
朝雲暮雨愁娉婷  
藥繁蟻脚粘不行  
蝶迷蜂醉飛無聲  
廬山根脚含精靈  
發妍吐秀叢君庭  
湓江太守多閑情  
欄朱繞絳畱輕盈

潺潺綠醴當風傾平頭奴子嗽銀笙紅葩豔豔交童星  
左文右武憐君榮白銅鞮上慙清明

謝僧寄茶

空門少年初志

一作地

堅摘芳為藥除睡眠匡山茗樹朝

陽偏暖萌如爪拏飛鳶枝枝膏露凝滴圓參差失向兜  
羅綿傾筐短甌蒸新鮮白紵眼細勻於研甄排古砌春  
苔乾殷勤寄我清明前金槽無聲飛碧煙赤獸呵冰急  
鐵喧林風夕和真珠泉半匙青粉攪潺湲綠雲輕綰湘

娥鬟嘗來縱使重支枕胡蝶寂寥空掩關

送人

少皞開宮行帝業無刃金風剪紅葉雁別邊沙入暖雲  
蛩辭敗草鳴香閣有客為儒二十霜酣歌郢雪時飄揚  
不甘長在諸生下束書攜劍離家鄉利爪韝上鷹雄文  
霧中豹可堪長與烏鳶噪是宜摩碧漢以遐飛出南山  
而遠蹈況今大朝公道天子文明團團月樹懸青青燕  
中有馬如龍行不換黃金無駿名荆山有玉猶在璞未

遇良工虛擲鵲一壺清酒酌離情休向蒿中隨雀躍

古意論交

擇友如淘金沙盡不得寶結交如乾銀產竭不成道我  
生四十年相識苦草草多為勢利朋少有歲寒操通財  
能幾何聞善寧相告茫然同夜行中路自不保常恐管  
鮑情參差忽終老今來既見君青天無片雲語直瑟弦  
急行高山桂芬約我為交友不覺心醺醺見義必許死  
臨危當指囷無令後世士重廣孝標文



御定全唐詩卷六百四十四

欽定四庫全書

御定全唐詩卷六百四十五

李咸用

春風

青帝使和氣吹噓萬國中發生寧有異先後自難同輦  
草不消力巖花應費功年年三十騎飄入玉蟾宮

自愧

多負懸弧禮危時隱薜蘿有心明俎豆無力執干戈壯

士難移節貞松不改柯  
纓塵徒自滿欲濯待清波

夜吟

白兔輪當午儒家業敢慵  
竹軒吟未已錦帳夢應重  
落筆思成虎懸梭待化龍  
景清神自爽風遞遠樓鐘

昭君

古帝修文德蠻夷莫敢侵  
不知桃李貌能轉虎狼心  
日暮邊風急程遙磧雪深  
千秋青塚骨畱怨在胡琴

秋夕



寥廓秋雲薄空庭月影微樹寒棲鳥密砌冷夜蛩稀曉  
鼓軍容肅疎鐘客夢歸吟餘何所憶聖主尚宵衣

秋日與友生言別

利名心未已離別恨難休為箇文儒業致多歧路愁數  
花籬菊晚片葉井梧秋又淩出門計一尊期少畱

邊城聽角

戍樓鳴畫角寒露滴金槍細引雲成陣高催雁著行喚  
迴邊將夢吹薄曉蟾光未遂終軍志何勞思故鄉

秋日訪同人

忽憶金蘭友，攜琴去自由。  
遠尋寒澗碧，深入亂山秋。  
見後却無語，別來長獨愁。  
幸逢三五夕，露坐對冥搜。

寄楚瓊上人

遙知無事日，靜對五峰秋。  
鳥隔寒煙語，泉和夕照流。  
凭欄疎磬盡，瞑目遠雲收。  
幾句出人意，風高白雪浮。

遊寺

無家身自在，時得到蓮宮。  
秋覺暑衣薄，老知塵世空。  
幽

情憐水石野性任萍蓬是處堪閑坐與僧行止同

春日

浩蕩東風裏  
徘徊無所親  
危城三面水  
古樹一邊春  
衰世難修道  
花時不稱貧  
滔滔天下者  
何處問通津

論交

行虧何必富  
節在不妨貧  
易得笑言友  
難逢終始人  
松篁貞管鮑  
桃李豔張陳  
少見歲寒後  
免為霜雪塵

秋興

木葉亂飛盡故人猶未還心雖遊紫闕時合在青山近  
寺僧鄰靜臨池鶴對閑兵戈如未息名位莫相關

山居

草堂書一架苔徑竹千竿難世投誰是清貧且自安鄰  
居皆學稼客至亦無官焦尾何人聽涼宵對月彈

遣興

風細酒初醒憑欄別有情蟬稀秋樹瘦雨盡晚雲輕旅  
鬢一絲出鄉心寸火生子牟魂欲斷何日是升平

待旦

簷靜燕雛語窗虛蟾影過時情因客老歸夢入秋多蔽  
日羣山霧滔天四海波吾皇思壯士誰應大風歌

送從兄坤載

忍淚不敢下恐兄情更傷別離當亂世骨肉在他鄉語  
盡意不盡路長愁更長那堪回首處殘照滿衣裳

惜別

細雨妝行色霏霏入戶來須知相識喜却是別愁媒白

刃方盈國黃金不上臺俱為鄒魯士何處免塵埃

早秋遊山寺

閒卧雲巖穩攀緣笑戲孫靜於諸境靜高却衆山高至  
理無言了浮生一夢勞清風朝復暮四海自波濤

秋日疾中寄諸同志

閒居無勝事公幹臥來心門靜秋風晚人稀古巷深花  
疎籬菊色葉減井梧陰賴有斯文在時時得強尋

贈山僧

榮枯雖在目名利不關身  
高出城隍寺野為雲鶴鄰  
松聲寒後遠潭色雨餘新  
豈住空空裏空空亦是塵

宿隱者居

永日連清夜因居識踪君  
竹扉難掩月巖樹易延雲  
曙鳥枕前起寒泉夢裏聞  
又須隨計吏雞鶴迴然分

送錢契明尊師歸廬山

瘦倚青竹杖鑪峰指欲歸  
霜粘行日屨風暖到時衣  
憑檻雲還在攀松鶴不飛  
何曾有別恨楊柳自依依

送進士劉松

滔滔皆魯客難得是心知到寺多同步遊山未失期雲  
低春雨後風細暮鐘時忽別垂楊岸遙遙望所之

贈任肅

玄髮難姑息青雲有路歧莫言多事日虛擲少年時松  
色雪中出人情難後知聖朝公道在中鵠勿差池

題陳正字山居

怪來忘祿位習學近瀟湘見處雲山好吟中歲月長花



光籠晚雨樹影浸寒塘  
幾日憑欄望歸心自不忙

贈來進士鵬

語玄人不到星漢在靈空  
若使無良遇虛言有至公  
月明千嶠雪灘急五更風  
此際苦吟力分將造化功

送曹稅

摻袂向春風何時約再逢  
若教相見密肯恨別離重芳  
草漁家路殘陽水寺鐘  
落帆當此處吟興不應慵

贈來鵬

默坐非關悶凝情祇在詩庭閑花落後山靜月明時答  
客言多簡尋僧步稍遲既同和氏璧終有玉人知

途中作

瘦馬倦行役斜陽勸著鞭野橋寒樹亞山店暮雲連退  
鷁風雖急攀龍志已堅路人休莫笑百里有時賢

秋晚

斜陽山雨外秋色思無窮柳葉飄乾翠楓枝撼碎紅鬢  
毛看似雪生計尚如蓬不及樵童樂蒹葭一笛風

曉望

露驚松上鶴  
曉色動扶桑  
碧浪催人老  
紅輪照物忙  
世情隨日變  
利路與天長  
好駕觥船去  
陶陶入醉鄉

寄友生

交情應不變  
何事久離羣  
圓月思同步  
寒泉憶共聞  
雪霜松色在  
風雨雁行分  
每見人來說  
窗前改舊文

江行

瀟湘無事後  
征棹復嘔啞  
高岫留斜照  
歸鴻背落霞  
魚

殘

一作依

沙岸草蝶寄狀流槎共說干戈苦汀洲減釣家

題王氏山居

簷有煙嵐色地多松竹風自言離亂後不到鼓輦中徑  
柳拂雲綠山櫻帶雪紅

一作雨

邊青嶂下時見採芝翁

送別

別意說難盡離盃深莫辭長歌終此席一笑又何時棹  
入寒潭急帆當落照遲遠書如不寄無以慰相思

覽文僧卷

雖無先聖耳異代得聞韶怪石難為古奇花不敢妖調  
高非郢雪思靜礙箕瓢未可重吟過雲山興轉饒

望仰山憶玄泰上人

晴嵐凝片碧知在此中禪見面定何日無書已一年高  
秋關靜夢良夜入新篇仰德心如是清風不我傳

聞泉

浙浙夢初驚幽窗枕簟清更無人共聽祇有月空明急  
想穿巖曲低應過石平欲將琴強寫不是自然聲

酬鄭進士九江新居見寄

躡屐

一作履

扣柴關因成畫日間獨聽黃鳥語深似白雲

間萍沼寬於井莎城綠當山前期招我作此景得吟還

九江和人贈陳生

天畏斯文墜憑君助素風意深皆可補句逸不因功暮  
替雲愁遠秋驚月占空寄家當瀑布時得笑言同

登樓值雨二首

共訝高樓望匡廬色已空白雲橫野闊遮嶽與天同數

點雨入酒滿襟香在風遠江吟得出方下郡齋東  
江微多佳景秋吟興未窮送來松檻雨半是蓼花風浪  
猛驚翹鷺煙昏叫斷鴻不知今夜客幾處臥鳴蓬

送趙舒處士歸廬山

歸岫香鑪碧行吟步益遲諸侯師不得樵客偶相隨思  
舊江雲斷談玄嶽月移祇應張野輩異代作心知

僧院薔薇

客引擎茶看離披曬錦紅不緣開淨域爭忍負春風小

片當吟落清香入定空何人來此植應固惱休公

友生攜修睦上人詩見訪

雪中敲竹戶袖出岳僧詩語盡景皆活吟闌角獨吹意  
如將俗背業必少人知共約冰銷日雲邊訪所思

冬夕喜友生至

天涯行欲遍此夜故人情鄉國別來久干戈還未平燈  
殘偏有焰雪甚却無聲多少新聞見應須語到明

牡丹



少見南人識識來嗟復驚始知春有色不信爾無情恐  
是天地媚暫隨雲雨生緣何絕尤物更可比妍明

送春

四時為第一一歲一重來好景應難勝餘花虛自開相  
思九箇月得信數枝梅不向東門送還成負酒杯

送邊將

天驕頻犯塞鐵騎又征西臣節輕鄉土雄心生鼓輦地  
寒花不豔沙遠日難低漸喜秋弓健鵬翻白草齊

春晴

簷滴春膏絕憑欄晚吹生良朋在何處高樹忽流鶯遊  
寺期應定尋芳步已輕新詩吟未穩遲日又西傾

冬夜與修睦上人宿遠公亭寄南嶽玄泰禪師

丈室掩孤燈更深霰電增相看雲夢客共憶祝融僧語  
合茶忘味吟欵卷有稜楚南山水秀行止豈無憑

一作  
明

落花

拾得移時看重思造化功如何飄麗景不似遇春風滿

地餘香在繁枝一夜空祇應公子見先憶墜樓紅

寄嵩陽隱者

昔年江上別初入亂離中我住匡山北君之少室東  
信來經險道詩半憶皇風何事猶高臥巖邊夢未通

早蟬

門柳不連野乍聞為早蟬遊人無定處入耳更應先  
暫默斜陽雨重吟遠岸煙前年湘竹裏風激遶離筵

酬蘊微

白衣經亂世相遇一開顏得句禪思外論交野步間舉  
朝無舊識入眼祇青山幾度斜陽寺訪君一作還獨還

萱草

芳草比君子詩人情有由祇應憐雅態未必解忘憂積  
雨莎庭小微風蘚砌幽莫言開太晚猶勝菊花秋

訪友人不遇

出門無至友動即到君家空掩一庭竹去看何寺花短  
僮應捧杖稚女學擎茶吟罷畱題處苔階日影斜

苔

幾年風雨跡，疊在石屏顏。  
生處景長靜，看來情儘閒。  
吟亭侵壞壁，藥院掩空關。  
每憶東行徑，移筇獨自還。

紅薇

春雨有五色，灑來花旋成。  
欲畱池上景，別染草中英。  
畫出看還欠，道為插未輕。  
王孫多好事，攜酒寄吟傾。

別所知

有路有西東，天涯自恨同。  
却須深酌酒，況不比飄蓬。  
帆

冒新秋雨鼓傳微浪風閨牽寒氣早何浦值賓鴻

小雪

散漫陰風裏天涯不可收壓松猶未得撲石暫能畱閣  
靜縈吟思迤長拂旅愁崆峒山北面早想玉成丘

和修睦上人聽猿

禪客聞猶苦是聲應是啼自然無穩夢何必到巴溪疎  
雨灑不歇迴風吹暫低此宵秋欲半山在二林西

庭竹

嫩綠與老碧森然庭砌中坐銷三伏景吟起數竿風葉  
影重還密梢聲遠或通更期春共看桃映小花紅

早行

家國三千里中宵算去程困纔成蝶夢行不待雞鳴馬  
首搖殘月鴉羣起古城發來經幾堠村寺遠鐘聲

哭所知

朝作青雲士暮為玄夜人風燈無定度露薤亦逡巡乘  
馬驚新塚書帷擺舊塵祇應從此去何處福生民

分題雪霽望爐峰

未二句缺

雪霽上庭除  
爐峰勢轉孤  
略無煙作帶  
獨有影沈湖  
冷觸歸鴻急  
明凝落照俱

雪十二韻

六出凝陰氣  
同雲指上天  
結時風乍急  
集處霰長先  
草穗翹祥燕  
陂椿吐白蓮  
犬狂南陌上  
竹醉小池前  
樵徑花黏屨  
漁舟玉帖舷  
陣經暘谷薄  
勢想朔方偏  
樓面光搖錫  
籬頭曉列錢  
石苔青鹿臥  
殿網素蛾穿  
嘶馬應思



塞蹲烏似為燕童癡為獸捏僧愛用茶煎念物希周穆  
含毫愧惠連吟闌餘興逸還憶剡溪船

廬山

非嶽不言嶽此山通嶽言高人居亂世幾處湍前軒秀  
作神仙宅靈為風雨根餘陰鋪楚甸一柱表吳門靜得  
八公侶雄臨九子尊對猶青熨眼到必冷凝魂勢受重  
湖讓形難七澤吞黑巖藏畫電紫霧泛朝暎蓮墮寧唯  
華玉焚堪小崑倒松微發罅飛瀑遠成痕疊見雲容襯

稜收雪氣昏裁詩曾困謝作賦偶無孫流礙星光撒驚  
衝雁陣翻峰奇寒倚劍泉曲旋如盆草短分離雉林明  
露擲猿秋楓紅葉一作蝶散春石谷雷奔月好虎溪路煙  
深栗里源醉吟長易醒夢去亦銷煩有覺南方重無疑  
厚地掀輕揚聞舊俗端用鎮元元

和吳處士題村叟壁

因閱鄉居景歸心寸火然吾家依碧嶂小檻枕清川遠  
雨籠孤戍斜陽隔斷煙沙虛遺虎跡水洑聚蛟涎糲麴

芟汀蓼甘茶挈石泉霜朝巡栗樹風夜探漁船戲日魚  
呈腹翹灘鷺並肩碁尋盤石淨酒傍野花妍器以鋤為  
利家惟竹直錢飯香同豆熟湯暖摘松煎睡島鳬藏足  
攀藤欹凍拳淺茅鳴闌雉曲柝嘯寒鷺秋果槲梨澀晨  
羞笋蕨鮮衣叢留冷閣席草種閒田椎髻擔餉餉龐眉  
識稔年嚇鷹芻戴笠驅犢篠充鞭不重官於社常尊食  
作天谷深青靄蔽峰迴白雲纏每憶關魂夢長誇表愛  
憐覽君書壁句誘我率成篇

謝友生遺端溪硯瓦

末聯缺  
三句

尋常濡翰次恨不到端溪得自新知己如逢舊解攜  
翫餘輕照乘謝欲等懸黎靜對勝凡客閑窺憶好題  
媧天補剩石昆劍切來泥著指痕猶濕停旬水未低  
呵雲潤柱礎筆彩飲虹霓鵠眼工諳謬羊肝士乍到  
連漸光比鏡囚墨膩於罨書信成池黑吟湏到日西  
正誇憂盜竊將隱怯攀躋捧受同交印矜持過秉珪  
草顛終近旭嬾癖必無嵇用合緣鸚鵡珍應負會稽  
貞安還落落寒韻

或淒淒風月情相半  
煙花思豈迷  
宜從方袋挈枉把短  
行批淺小金為斗泓  
澄玉作隄遇人依我  
惜想爾與天齊

行時祇獨齋

和殷衙推春霖即事

東風吹暖雨潤下不能休  
古道雲橫白移時客共愁  
綠沈莎似藻紅泛葉為舟  
忽起江湖興疑鄰畝澮流  
此時無勝會何處滯奇遊  
陣急如酣戰點麤成亂漚  
竹因添灑落松得長  
飈花慘開庭晚蘭深曲  
徑幽絲牽汀鳥

足線挂嶽猿頭天地昏同醉寰區浩欲浮柳眉低帶泣  
蒲劍銳初抽石燕翻空重蟲羅綴滴稠荷傾蛟淚盡巖  
折電鞭收豈直望堯喜却懷微禹憂樹滋堪採菌磯沒  
懶垂鈎腥覺聞龍氣寒宜擁豹裘名膏那作沴思稔必  
通候蜂鷁徒喧競笙歌罷獻酬山川藏秀媚草木逞調  
柔極目非吾意行吟獨下樓

御定全唐詩卷六百四十五

欽定四庫全書

御定全唐詩卷六百四十六

李咸用

題陳將軍別墅

明王獵士猶疎在巖谷安居最有才  
高虎壯言知鬼伏  
葛龍閒臥待時來雲藏山色晴還媚  
風約溪聲靜又迴  
不獨春光堪醉客  
庭除長見好花開

湘浦有懷

鴻雁哀哀背朔方  
餘霞倒影畫瀟湘  
長汀細草愁春浪  
古渡寒花倚夕陽  
鬼樹夜分千炬火  
漁舟朝卷一蓬霜  
儂家本是持竿者  
為愛明時入帝鄉

題陳處士山居

蓮遶閑亭柳遶池  
蟬吟暮色一枝枝  
未逢皇澤搜遺逸  
贏得青山避亂離  
花圃春風邀客醉  
茅簷秋雨對僧碁  
樵童牧豎勞相問  
巖穴從來出帝師

和蔣進士秋日



晚雨霏微思杪秋不堪才子尚羈遊  
塵隨別騎東西急波促年華日夜流  
涼月雲開光自遠古松風在韻難休  
男兒但得功名立縱是深恩亦易酬

陳正字山居

一葉閒飛斜照裏江南仲蔚在蓬蒿  
天衢雲險駕駘蹇月桂風和夢想勞  
遠枕泉聲秋雨細對門山色古屏高  
此中即是神仙地引手何妨一釣鰲

與劉三禮陳孝廉言志

真宰無私造化均年年分散月中春皆期早躡青雲路  
誰肯長為白社人宋國高風休斂翼聖朝公道易酬身  
大須審固穿楊箭莫遣參差鬢雪新

秋日送嚴湘侍御歸京

蟾影珪圓湖始波楚人相別恨偏多知君有路昇霄漢  
獨我無由出薜蘿雖道危時難進取到逢清世又如何  
誰聽甯戚敲牛角月落星稀一曲歌

題王處士山居

雲木沈沈夏亦寒此中幽隱幾經年無多別業供王稅  
大半生涯在釣船蜀鬼叫迴芳草色鷺鷥飛破夕陽煙  
千戈蜎起能高臥只箇逍遙是謫仙

謝所知

狂歌狂舞慰風塵心下多端亦嬾言早是亂離輕歲月  
誰能愁悴過朝昏聖朝公道如長在賤子謀身自有門  
却愧此時叨厚遇他年何以報深恩

秋望

雲陰慘澹柳陰稀遊子天涯一望時風閃雁行疎又密  
地迴江勢急還遲榮枯物理終難測貴賤人生自不知  
未達誰能多歎息塵埃爭損得男兒

送譚孝廉赴舉

鼓鼙聲裏尋詩禮戈戟林間入鎬京好事盡從難處得  
少年無向易中輕也知貴賤皆前定未見疎慵遂有成  
吾道近來稀後進善開金口荅公卿

途中逢友人

大道將窮阮籍哀紅塵深翳步遲迴皇天有意自寒暑  
白日無情空往來霄漢何年徵賦客煙花隨處作愁媒  
相逢且快眼前事莫厭狂歌酒百杯

和人湘中作

湘川湘岸兩荒涼孤雁號空動旅腸一棹寒波思范蠡  
滿尊醇酒憶陶唐年華蒲柳凋衰鬢身跡萍蓬滯別鄉  
不及東流趨廣漢臣心日夜與天長

贈陳望堯

若說精通事藝長詞人爭及孝廉郎秋螢短焰難盈案  
鄰燭餘光不滿行鵠箭親疎雖異的桂花高下一般香  
明時公道還堪信莫遣錐鋒久在囊

宿漁家

促杼聲繁螢影多江邊秋興獨難過雲遮月桂幾枝恨  
煙罩漁舟一曲歌難世斯人雖隱遁明時公道復如何  
陶家壁上精靈物風雨未來終是梭

旅館秋夕

牢落生涯在水鄉只思歸去泛滄浪秋風螢影隨高柳  
夜雨蛩聲上短牆百歲易為成荏苒丹霄誰肯借梯航  
若教名路無知己疋馬塵中是自忙

悼范攄處士

家在五雲溪畔住身遊巫峽作閒人安車未至柴關外  
片玉已藏墳土新雖有公卿聞姓字惜無知己脫風塵  
到頭積善成何事天地茫茫秋又春

送人

一軸煙花滿口香諸侯相見肯相忘未聞珪璧為人棄  
莫倦江山去路長盈耳暮蟬催別騎數杯浮蟻咽離腸  
眼前一作頭多少難甘事自古男兒當自強

春暮途中

細雨如塵散暖空數峰春色在雲中須知觸目皆成恨  
縱道多文爭那窮飛燕有情依舊閣垂楊無力受東風  
誰能會得乾坤意九土枯榮自不同

題陳正字林亭



曉煙輕翠拂簾飛黃葉飄零所思正是低摧吾道日  
不堪惆悵異鄉時家林蛇豕方羣起宮沼龜龍未有期  
賴有平原憐賤子滿亭山色借吟詩

送從兄入京

柳轉春心梅豔香相看江上恨何長多情流水引歸思  
無賴嚴風促別觴大抵男兒須振奮近來時事懶思量  
雲帆高挂一揮手目送煙霄雁斷行

秋夕書懷寄所知

秋螢一點雨中飛，獨立黃昏思所知。  
三島路遙身汨沒，九天風急羽差池。  
年華逐浪催霜髮，旅恨和雲拂桂枝。  
不向故人言此事，異鄉誰更念棲遲。

酬進士秦顥若

鶯默平林燕別軒，相逢相笑話生前。  
低飛旅恨看霜葉，曲寫歸情向暮川。  
在野孤雲終捧日，朝宗高浪本蒙泉。  
何勞悵望風雷便，且混魚龍黷武年。

山中夜坐寄故里友生

展轉簷前睡不成一牀山月竹風清  
蟲聲促促催鄉夢  
桂影高高挂旅情  
禍福既能知倚伏行藏爭不要分明  
可憐任永真堅白淨洗雙眸看太平

物情

誰分萬類二儀間稟性高卑各自然  
野鶴不棲蔥蒨樹  
流鶯長喜豔陽天  
李斯溷鼠心應動  
莊叟泥龜意已堅  
成是敗非如賦命  
更教何處認愚賢

金谷園

石家舊地聊登望寵辱從茲信可驚  
鳥度野花迷錦障蟬吟古樹想歌聲  
雖將玉貌同時死却羨蒼頭此日生  
多積黃金買刑戮千秋成得綠珠名

投所知

手欠東堂桂一枝家書不敢便言歸  
挂簷晚雨思山閣拂岸煙嵐憶釣磯  
公道甚平才自薄丹霄好上力猶微  
誰能借與搏扶勢萬里飄飄試一飛

贈友弟

螢焰燒心雪眼勞未逢佳夢見三刀他時詎有鹽梅味  
今日猶疑腹背毛金埒曉羈千里駿玉輪寒養一枝高  
誰能終歲搖顙尾唯唯洋洋向碧濤

春日喜逢鄉人劉松

故人不見五春風異地相逢嶽影中舊業久拋耕釣侶  
新聞多說戰爭功生民有恨將誰訴花木無情祇自紅  
莫把少年愁過日一尊湏對夕陽空

夏日別余秀才

嶽麓雲深麥雨秋滿傾杯酒對湘流沙邊細柳牽行色  
水面輕煙畫別愁敢待傳巖成好夢任從礮石挂纖鉤  
鏡機沖漠非吾事自要青雲識五侯

廬陵九日

菊花山在碧江東冷酒清吟興莫窮四十三年秋裏過  
幾多般事亂來空雖驚故國音書絕猶喜新知語笑同  
竟日開門無客至笛聲迢遞夕陽中

和人遊東林

一從張野臥雲林勝槩誰人更解尋黃鳥不能言往事  
白蓮虛發至如今年年上國榮華夢世世高流水石心  
始欲共君重悵望紫霄峰外日沈沈

和彭進士秋日遊靖居山寺

秋山入望已無塵況得閑遊事頻問著盡能言祖祖  
見時應不是真真添瓶野水遮還急伴塔幽花落又新  
自笑未曾同逸步終非宗炳社中人

和彭進士感懷

人生誰肯便甘休遇酒逢花且共遊若向雲衢陪驥尾  
直須天畔落旄頭三編大雅曾關興一冊南華旋解憂  
四海英雄多獨斷不知何者是長籌

寄題從兄坤載村居

鄰並無非樵釣者莊生物論宛然齊雨中寒樹愁鷗立  
江上殘陽瘦馬嘶說與衆傭同版築呂將羣叟共磻溪  
覆巢破卵方堪懼取次梧桐鳳且棲

送黃賓于赴舉



秋風昨夜滿瀟湘  
衰柳殘蟬思客腸  
早是亂來無勝事  
更堪江上揖離觴  
澄潭躍鯉搖輕浪  
落日飛鳬趁遠樯  
漁父不須探去意  
一枝春裏月中央

冬日喜逢吳價

垂楊煙薄井梧空  
千里遊人駐斷蓬  
志意不因多事改  
鬢毛難與別時同  
鶯遷猶待銷冰日  
鵬起還思動海風  
窮達他年如賦命  
且陶真性一杯中

題劉處士居

壓破嵐光半畝餘竹軒蘭砌共清虛  
泉經小檻聲長急月過修篁影旋疎  
溪鳥時時窺戶牖山雲往往宿庭除  
干戈謾道因天意渭水高人自釣魚

送李尊師歸臨川

蟠桃一別幾千春  
謫下人間作至人  
塵外煙霞吟不盡  
鼎中龍虎伏初馴  
除存紫府無他意  
終向青冥舉此身  
辭我麻姑山畔去  
蔡經蹤跡必相親

投知

西望長安路幾千  
遲回不為別家難  
酌量才地心雖動  
點檢囊裝意又闌  
自是遠人多蹇滯  
近來仙朮半孤寒  
嘶風重訴牽鹽恥  
伯樂何妨轉眼看

吳處士寄香兼勸入道

謝寄精專一捻香  
勸予朝禮仕虛皇  
湏知十極皆臣妾  
豈止遺生奉混茫  
空挂黃衣寧續壽  
曾聞玄教在知常  
但居平易俟天命  
便是長生不死鄉

草蟲

如綠如織暮咄咄應節催年使我愁行客語停孤店月  
高人夢斷一牀秋風低蘚徑疑偏急雨咽槐亭得暫休  
須付畫堂蘭燭畔歌懷醉耳兩悠悠

詠柳

日近煙饒還有意東垣西掖幾千株牽仍

一作連

別恨知

難盡誇街春光恐更無解引人情長婉約巧隨風勢強  
盤紆天應繡出繁華景處處茸絲惹路衢

寄所知

曾將俎豆為兒戲爭奈干戈阻素心遁去不同秦客逐  
病來還作越人吟名流古集典衣買僻寺奇花貰酒尋  
從道趣時身計拙如非所好肯開襟

雪

上帝無私意甚微欲教霖雨更光輝也知出處花相似  
可到貧家影便稀雲漢風多銀浪濺崑山火後玉灰飛  
高樓四望吟魂斂却憶明皇月殿歸

緋桃花

茫茫天意為誰留  
深染夭桃備勝遊  
未醉已知醒後憶  
欲開先為落時愁  
癡蛾亂撲燈難滅  
躍鯉傷驚電不收  
何事梨花空似雪  
也稱春色是悠悠

同友人秋日登庾樓

蘭摧菊暗不勝秋  
倚著高樓思莫收  
六代風光無問處  
九條煙水但凝愁  
誰能百歲長閑去  
祇箇孤帆豈自由  
欲學仲宣知是否  
臂弓腰劍逐時流

和人詠雪

輕輕玉疊向風加襟袖誰能認六葩高岫人迷千尺布  
平林天與一般花橫空絡繹雲遺屑撲浪翻聯蝶寄槎  
公子樽前流遠思不知何處客程賒

和友人喜相遇十首

為儒自愧已多年文賦歌詩路不專肯信披沙難見寶  
只憐苦草易成編燕昭寤寐常求駿郭隗尋思未是賢  
且固初心希一試箭穿正鵠豈無緣

揣情摩意已無功只把篇章助國風宋玉謾誇雲雨會

謝連寧許夢魂通愁成旅鬢千絲亂吟得寒缸短焰終  
難世好居郊野地出門常喜與人同

惠子休驚學五車沛公方起斬長蛇六雄互欲吞諸國  
四海終須作一家自古經綸成世務暫時朱綠比朝霞  
人生心口宜相副莫使堯階草勢斜

不傍江煙訪所思更應無處展愁眉數杯竹閣花殘酒  
一局松窗日午碁多病却疑天與便自愚潛喜衆相欺  
非窮非達非高尚冷笑行藏祇獨知



閑吟閑坐道相應  
遠想南華亦自矜  
拋擲家鄉輕似夢  
尋常心地冷於僧  
和羹使用非胥靡  
憶鱸言詞小季鷹  
唯仗十篇金玉韻  
此中高旨莫階升

已向丘門老此軀  
可堪空作小人儒  
吟中景象千般有  
書外囊裝一物無  
潤屋必能知早散  
輝山應是不輕沽  
短衣寧倦重修謁  
誰識高陽舊酒徒

松桂寒多衆木分  
輕浮如葉自紛紜  
韶咸古曲教誰愛  
山水清音喜獨聞  
上國共知傳大寶  
舊交寧復在青雲

相逢莫厭杯中酒同醉同醒祇有君

還淳反朴已難期依德依仁敢暫違寡欲自應剛正立  
無私翻覺友朋稀旄頭影莫侵黃道傳說星終近紫微  
年紀少他蘧伯玉幸因多難早知非

麻衣未識帝城塵四十為儒是病身有恨不關銜國恥  
無愁直為倚家貧齊輕東海二高士漢重商山四老人  
一種愛閒閒不得混時行止却應真

任說天長海影沈友朋情比未為深唯應樂處無虛日

大半危時得道心  
命達天殤同白首  
價高甄瓦卽黃金  
他年有要玄珠者  
赤水縈紆試一尋

依韻修睦上人山居十首

生身便在亂離間  
遇柳尋花作麼看  
老去轉諳無是事  
本來何處有多般  
長憐蟻蝶能隨暖  
獨笑梧桐不耐寒  
覆載我徒爭會得  
大鵬飛尚未知寬

雲泉日日長松寺  
絲管年年細柳營  
靜躁殊途知自識  
榮枯一貫亦何爭  
道傷病樹人從老  
溪上新苔我獨行

若見淨名居士語逍遙全不讓莊生

莫言天道終難定須信人心盡自輕宣室三千雖有恨  
成周八百豈無情栢緣執性長時瘦梅為多知兩番生  
不是不同明主意嬾將脣舌與齊烹

不論軒冕及漁樵性與情遼漸漸遙季子禍從憐富貴  
顏生道在樂簞瓢清閑自可齊三壽忿恨還須戒一朝  
好學堯民俛舜日短裁孤竹理雲韶

春風春雨一何頻望極空江覺損神鶯有來由重入谷

柳無情緒強依人漢庭謁者休言事魯國諸生莫問津  
賴是水鄉樛櫟賤滿爐紅焰且相親

三十年來要自觀履春冰恐未為難自於南國同理劍  
誰向東門便挂冠早是人情飛絮薄可堪時令太行寒  
多慙幸住匡山下偷得穠嵐坐臥看

畹蘭未必因香折湖象多應為齒焚兼濟直饒同巨楫  
自由何似學孤雲秋深櫟菌樵來得木末山鼉夢斷聞  
閑凭竹軒游子過替他愁見日西曛

何事深山嘯復歌  
短弓長劍不如他  
且圖青史垂名穩  
從道前賢自滯多  
鵲鷄敢辭栖短棘  
鳳凰猶解怯高羅  
人生若得逢堯舜  
便是巢由亦易過

太玄太易小窗明  
古義尋來醉復醒  
西伯縱逢頭已白  
步兵如在眼應青  
寒猿斷後雲橫檻  
宿鳥驚時月滿庭  
此景得閒閒去得  
人間無事不曾經

壯氣雖同德不同  
項王何似王江東  
鄉歌寂寂荒丘月  
漁艇年年古渡風  
難世斯人猶不達  
此時吾道豈能通

吟君十首山中作方覺多端總是空

同友生春夜聞雨

春雨三更洗物華亂和絲竹響豪家滴繁知在長條柳  
點重愁看破朶花簷靜尚疑兼霧細燈搖應是逐風斜  
此時農叟渾無夢為喜流膏潤穀芽

同友生題僧院杜鵑花

得春  
字

若比衆芳應有在難同上品是中春牡丹為性疎南國  
朱槿操心不滿旬留得却緣真達者見來寧作獨醒人

鶴林太盛今空地莫放枝條出四鄰

春日題陳正字林亭

周廻勝異似仙鄉稍減愁人日月長  
幕繞虛簷高岫色鏡臨危檻小池光  
絲垂楊柳當風軟玉折含桃倚徑香  
南北近來多少事數聲橫笛怨斜陽

送河南韋主簿歸京

巖風愛日淚闌干去住情途各萬端  
世亂敢言離別易時清猶道路行難  
舟維晚雨湘川暗袖拂晴嵐峴首寒



見說滿朝親友在肯教憔悴出長安

喻道

漢武秦皇漫苦辛那思俗骨本含真不知流水潛催老  
未悟三山也是塵牢落沙丘終古恨寂寥函谷萬年春  
長生客待仙桃餌月裏嬋娟笑煞人

山中

一簇煙霞榮辱外秋山留得傍簷楹朝鐘暮鼓不到耳  
明月孤雲長挂情世上路歧何繚繞水邊蓑笠稱平生

尋思阮籍當時意豈是逢窮泣利名

同玄昶上人觀山榴

病隨支遁偶行行正見榴花獨滿庭  
瘦竹成林人不看却應著得強青青

別李將軍

一拜虬髯便受恩宮門細柳五搖春  
男兒自古多離別嬾對英雄淚滿巾

早雞

錦翅朱冠驚四鄰  
稻梁恩重職司晨  
不知下土兵難戢  
但報明時向國人

別友

北吹微微動旅情  
不堪分手在平明  
寒雞不待東方曙  
喚起征人踴月行



御定全唐詩卷六百四十六